



## Акафист преподобной и богоносной матери нашей Параскеве, Старобельской чудотворице.

### Кондак 1.

Избранице Христовой, все житие свое Ему послужившей и в вечные селения райских, с великой славою приятой, молитвеннице и заступнице нашей, преподобной матери Параскеве, похвальные песни воспой вернии, скорую бо помощь и утешение от нея обретаем и якоже прежде, тако и ныне к ней прибегая и вопием ей тако: Радуйся, мати Параскево, скорая помощница и теплая молитвенница о нас, грешных.

### Икос 1.

Ангельскими убо языки подобает восхвалити тя, преподобная мати наша, кто бо возможет по достоянию воспети подвиги твоя, житии равноангельском тобою содеянныя, кто бо возможет исчислiti чудеса, по молитвам твоим явленные. В тебе бо Господь, в последний времена сии, явил есть нам яко едини от древних угодниц Своих. Мы же воспоминающе чудныя дела твоя вопием ти сице: Радуйся, ангеле земный, бесплотное житие явившая; радуйся, человече небесный, умом в горняя возлетевшая; Радуйся, Господем в сосул благодати Духа Святаго избранная; радуйся, на подвиг юродства Христа ради, свыше благословенная; Радуйся, из млада чудное житие явившая; радуйся, в среду и пяток во младенчестве млека матеряго не вкушавшая; Радуйся, тобою бо обитель Скорбященская украшается; радуйся, тобою бо град Лисичанск прославляется; Радуйся, покрове крепкий, от бед и напастей нае защищающий; радуйся, столпе церковный, нас в правой вере укрепляющий; Радуйся, скрижаль богописанная, глаголами жизни вечныя испещренная; радуйся, кадильнице златая, молитвами своими, яко фимиамом, пред Господом благоухающая; Радуйся, мати Параскево, скорая помощница и теплая молитвенница о нас, грешных.

### Кондак 2.

Виде Господь усердную молитву родителей твоих, о неученности своей скорбевших и мудрое чадо хотевших имети. Дарова им тя, мати Параскево, имущую ум свыше от Господа просвещенный, да юродством своим тицету мудрости века сего обличиши и на путь спасения многия наставши, вопиюще кротце в сердце своем: Аллилуia.

### Икос 2.

Разум, от младенчества Господом просвещенный имуще, в ранних лет Жениха своего Христа всем сердцем возлюбила еси. Ему же Единому поработати в житии своем восхотевши, дом родительский во отрочестве оставила еси. В обители же Скорбященской водворившись, яко крин сельный процвела еси, житием своим преславным сияюще. О сем восхваляюще тя, вопием ти таковая: Радуйся, всем сердцем Господа возлюбившая: радуйся,

Единому Жениху Христу себе унавестившая; Радуйся, дом отеческий ради Него оставившая; радуйся, стопы своя на многоскорбный путь спасения направившая; Радуйся, обители Скорбященский похвало и веселье; радуйся, градо Старобельска предивное заступление; Радуйся, смирения и кротости образе; радуйся, монашеского послушания безропотная исполнительнице; Радуйся, монашеского жития ревнительнице; радуйся, жития иноческого насаждательнице; Радуйся, посмейния и поношения без обиды терпевшая; радуйся, мнимым безумием благодатных дары скрывавшая; Радуйся, мати Параскево, скорая помощница и теплая молитвеница о нас, грешных.

### Кондак 3.

Силою Божией, в немощи совершающейся, победила еси немощь плоти человеческия, блаженная мати, от дияния к богомыслию восшила еси. Разум же совершен богомыслием стяжав, непрестанно ум вперяла в горяя, восхваляя Господа песнию: Аллилуиа.

### Икос 3.

Имеюще на себе благодать Святаго Духа изобильно почивающую, духоносной наставницей людей православных явилася еси. Мнозий бо, слышавши о богопросвещенном разуме твоем, к тебе притекаху, вразумления ища. Друзии же в тебе познавши велию угоднику Христову, молитвы твои о себе испросиша, также и мнозии в скорбех, нуждах и болезнех от тебе скорую помошь получаху. За сие же от нас ирими песни сицевые: Радуйся, старице духоносная; радуйся, прозорливице богопросвещенная; Радуйся, целительнице милостивая, язвы греховныя врачующая; радуйся, светильниче пресветлый, духовное омрачение просвещающий; Радуйся, в обители подвизавшихся, мудрия наставница; радуйся, в мире живущих ко спасению направлявшая; Радуйся, яко для ближних своих милосердною материю была еси; радуйся, чад духовных яко крылами, молитвами своими покрывала еси; Радуйся, грядущая, яко настоящая созерцавшая; радуйся, смиренная Христова подвижница; Радуйся, любовию к ближним горевшая; радуйся, унижения безропотно терпевшая; Радуйся, мати Параскево, скорая помощница и теплая молитвеница о нас, грешных.

### Кондак 4.

Бура обновленческаго шатания не поколебала души твои, мати Параскево. Яко бо добрый воин Христос, крепко ты ополчилася еси, противу волков хищных, стадо овец Христовых расхитити хотящих. Подобна бо была еси мечу обоюдооструму, лукавство обновленческое посецало еси, отступничество строго обличая, верных на истинный путь православия наставила еси, поюще Богу: Аллилуиа.

### Икос 4.

Сlyша и видя велие отступление многих к обновленческой прелести, велий ревностию по Бозе Вседержителю возгорелася еси, о, блаженная мати.

Обновленчество строго обличила еси, отступивших иереев христопродавцами именовала еси, тех из храмов Божиих изгоняя. Верные же люди вразумляла еси, от сетей обновленческих сохраняюще. Мы же, восхваляюще ревность твою, поем ти сице: Радуйся, обновленчества обличительнице; радуйся, нарушителей канонов церковных строго наказующая; Радуйся, церковное общение с обновленцами строго воспрещавшая; радуйся, народу православному путевождь истинный; Радуйся, обновленческих иереев страх и трепет; радуйся, тайных беззаконий строгое изобличение; Радуйся, стадо Христово от врагов ограждавшая; радуйся, волцы хищные далече от него отгнавшая; Радуйся, Православия поборнице; радуйся, расколов искоренительнице; Радуйся, ревнительница по Бозе Вседержителю; радуйся, кимвале добrogласный, правду и истину вендающий; Радуйся, мати Параскево, скорая помощница и молитвенница о нас, грешных.

#### Кондак 5.

Богопротивни обновленцы, яко волцы хищни, стадо агнц Христовых к отступлению от истинныя веры склонити не возмогоше, из обители Скорбященская тех изгнаша. Ты же, о, мати Параскево, купно с сестрами духовными горце со слезами вопияли: "Прошай Мати; обитель святая, прощай". Возложивше же все упование свое на Господа и Пречистую, оставльше обитель святую, смиренно вопияли: Аллилуя.

#### Икос 5.

Видеша преподобная мати Параскево, славную обитель Ростабарову, иноческими подвиги сияющую, купно с блаженною Фаниою притекла в ню. Да и в сей обители добре поработасши Господеви и многия людие ко спасению направиши. Иночествующие же в обители сей и приходящии на молитву в ню, в тебе угоднику Христову узревше, вопияли ти таковая: Радуйся, обители Серафимо-Успенская новое украшение; радуйся, пришествием своим многих в ней подвизавшихся, обрадовавшая; Радуйся, монашествующих похвало; радуйся, в подвиге сущих укрепление; Радуйся, непрестанную молитву в сердце Господу возносившая; радуйся, некоей жене Небесная воинства показавшая; Радуйся, дерзновение велие ко Христу имущая; радуйся, нищая духом, мира прелести отвергшая; Радуйся, чистая сердцем; радуйся, сияющая небесною красотою; Радуйся, из обители Ростабаровой безбожными изгнанная; радуйся, купно с блаженною Фаниою молитвенница о нас непрестанная; Радуйся, мати Параскево, скорая помощница и теплая молитвенница о нас, грешных.

#### Кондак 6.

Проповедницею истины в страшные времена богооборческая явилася еси, мати Параскево, преподобная. Не убоялася бо убивающих тело, душа же повредити не могущих. Веру Христову безбоязненно проповедала еси, многими знаменьми и чудесы людей в ней утверждая. За сие же темничные заключения и ссылки претерпела еси, поюще Победителю смерти: Аллилуга.

### Икос 6.

Возия в тебе новая исповедница Христова, о, мати наша Параскево. В темницах и ссылках пребывая; твердо стояти на камени исповедания веры Христовой утверждала многих еси. Глад и жажду многожды претерпевая, избиения, хлад и зной Христа ради перенесла еси. Господь же везде тя хранивший, обидящих тя, строго наказывал еси. Сему дивящеся, верно вопием ти: Радуйся, новая исповедница Христова; радуйся, яко от Господа хранима везде была еси; Радуйся, Господа ради темничныя заключения претерпела еси; радуйся, яко безбожными гонима была еси; Радуйся, велия унижения и побои понесшая; радуйся, алкавшая и жаждавшая Христа ради; Радуйся, темничного стражи пением своим умягчившая; радуйся, гонителей многожды посрамивша; Радуйся, безбожных дерзость низложившая; радуйся, силою духовною гонителей своих в страх и трепет приведшая; Радуйся, рабо Христова богохранимая; радуйся, Господом прославленная; Радуйся, мати Параскево, скорая помощница и теплая молитвеница о нас, грешных.

### Кондак 7.

Новое и дивное чудо бысть, егда святый великомученник Георгий Победоносец тебе в заключении явися, в землю Донбасскую шествовать повелев, да тамо многия от погибели вечные спасеши и приведеши ко Христу, Ему же с трепетом и любовию вопиют Силы небесные: Аллилуя.

### Икос 7.

Хотя Господь спасения нашего, яви тя, мати Параскево, в земли Донбасской, яко некий пречудный источник благодати Своей, хладный от грехов, души согревающий, жажду духовную насыщающий, ослепление душевное просвещающий. Многия бо от погибели спасла еси, ко Христу заблудших овцы привела еси, болеяния и недужныя исцелила еси. Также и все в скорбех и напастех к тебе приходящин скорую помощь от тебе принимау. Ныне же от них и от нас приеми похвалы таковыя: Радуйся, нас сирых к себе под покров свой приемшая; радуйся, хладный души согревшая; Радуйся, умершленных грехами оживившая; радуйся, язвы греховныя исцелившая; Радуйся, помрачения умов просветившая; радуйся, болезни телесныя исцелившая; Радуйся, к покаянию призывающая; радуйся, заблудших во едином стаде Христово собравшая; Радуйся, из уст адовых нас исхитившая; радуйся, стопы наша на путь спасения направившая; Радуйся, от бед и напастей защищающая; радуйся, спастися помогающая; Радуйся, мати Параскево, скорая помощница и теплая молитвеница о нас, грешных.

### Кондак 8.

Странницею на земли была еси, мати наша Параскево, не имея бо где главы приклонити, многие места проходила еси, семена веры Христовой в сердцах человеческих влагая. Многия же злострадания в странствиях с чадами

духовными ты, мати, терпеливо переносила еси, волиюще Творцу своему:  
Аллилуиа.

### Икос 8.

Все житие твое бысть подвиг многотрудный. Многую бо любовь к близним имея, день и нощь молитвы о них в душе своей возносила еси. В нужде сущим скорую помощь подавала еси. Сама же, яко ангел бесплотный никогда же попечения о плоти своей не имела еси, ся многими лишениями утесня, да покорна духови будет. Сие похваляюще, сице тебе волием: Радуйся, ради близних себе не щадившая; радуйся, для мира безумною бывшая; Радуйся, святыни киевский многажды посещавшая; радуйся, Иверскую землю стопами своими освящавшая; Радуйся, татей немилостивых наказавшая; радуйся, стадо свое, духовное, от бед ограждавшая; Радуйся, чревоугодие обличающая; радуйся, оставляти молитву возбраняющая; Радуйся, младенца, ходити не могущего, чудесно исцелившая; радуйся, суетной славы избегати нас научаяющая; Радуйся, водный источник, шедшим с тобою, причудно явившая; радуйся, в нужде сущим скоро помогающая; Радуйся, мати Параскево, скорая помощница и теплая молитвенница о нас, грешных.

### Кондак 9.

Всяк притекай к тебе, мати Параскево, обретает скорую помощницу в бедах и напастех защищающую, в скорбех и нуждах помогающую, от очес горькия слезы отирающую, здравие душам и телесем дарующую, и воздвигающую всегда благодарите за все Господа песнию: Аллилуиа.

### Икос 9.

Ветия многовещания не возмогут излаголати всех чудес, от тебе, мати Параскево, источаемых. Мощи бо твоя многоцелебныя источником благодатныя помощи, всем притекающим к ним, являются. Ими бо град Лисичанск ныне зело украшается. Людие же, в нем и окрестных градех и весех живущия, крепкий покров в тебе обретают, на твоя молитвы многомощнии упование свое возлагают и волиют ти таковая: Радуйся, мати наша Параскево, без помощи твоей не остави нас; радуйся, покровительнице наша, от бед и напастей огради нас; Радуйся, помощнице наша, в скорбех и нуждах нам помози; радуйся, духовная мати наша, нас от падений греховных огради; Радуйся, целительнице наша, недугующих уврачуй; радуйся, молитвеннице наша, спасение молитвами твоими даруй; Радуйся, агище Христова, кротости и смиреннию нас научи; радуйся, голубице чистая, жити целомудренно нас укрепи; Радуйся, щите крепкий, от враг видимых и невидимых нас огради; радуйся, громе, супостаты устрашающий, полчища бесовския от нас отжени; Радуйся, древо многоплодное, любовию ко Господу и близним нас напитай; радуйся, удице златая, из челюстей вражиих нас исхити; Радуйся, мати Параскево, скорая помощница и молитвенница о нас, грешных.

### Кондак 10.

Спасение души паче мирская суеты возлюбивши, все житие свое на ниве Христовой добре поработала еси. Не точию бо сама спасение обрела еси, но и велие стадо овец Христовых за собою ко вратам Царствия Небесного привела еси. Мы же о сем радующиеся поем Христу: Аллилуиа.

### Икос 10.

Стене подобно стояще народ мног окрест жилища твоего, о твой кончине извещенный. Многие же слезы проливающе, горце вопилиши ти: "О, мати блаженная Параскево, како тя зри безыханну, сиротами нас оставившую. Кто же на правый путь наставит нас, кто же печальных утешит нас? Ныне бо ты душою ко Престолу Господню воспарила еси, идеже ныне предстояще, поминай чад своих, богомудрая, вопиющих ти": Радуйся, на небеса душою возлетевшая; радуйся, ангелами радостно сретепшая; Радуйся, о разрешении от плоти Пречистую молившая; радуйся, в день Ея иконы "Избавительницы" в горняя возлетевшая; Радуйся, день кончины своея предузнавшая; радуйся, о ней предречение от блаженной Марии принялаша; Радуйся, многими оплаканная; радуйся, мощи своя нам в утешение оставившая; Радуйся, на небеси с лицами ангельскими Творца славословящая; радуйся, нас, на земли сущих, не забывающая; Радуйся, Горячаго Иерусалима достойная жительница; радуйся, града Лисичанска многомощная покровительница; Радуйся, мати Параскево, скорая помощница и теплая молитвенница о нас, грешных.

### Кондак 11.

Пение похвальное приими ныне нами тебе возносимое, мати Параскево. К тебе бо притекающе, поминая милости твоя, нам недостойным явленная. Вохваляюще же тя, всликую угодницу Христову, прославляем Господа, дивного во святых Своих, песнию: Аллилуиа.

### Икос 11.

Светозарною звездою, путь правый указующей, являешся ты, дивная рабо Господня, мати Параскево. Живущих бо нас во мраце греховнем на путь спасения направляющи, охладевши сердца наша любовию ко Христу возжигающи, мрак греховный просвещающи, от сетей лукавого нас спасающи. За сие тебе приносим благодарныя песни сия: Радуйся, тьмы греховныя отгнание; радуйся, поспешения бесовского избавление; Радуйся, стрело, язвящая невидимья враги; радуйся, молния, повержающая в бегство бесов полки; Радуйся, коварства бражеского обнажение; радуйся, замыслов злых поражение; Радуйся, мерзкого чародейства разрушение; радуйся, лукавства и лжи обличение; Радуйся, защитнице неправедно гонимых; радуйся, застушице сирых и убогих; Радуйся, иереев, недостойно живущих строгая обличительница; радуйся, пастырей истинных всегдашняя покровительница; Радуйся, мати Параскево, скорая помощница и теплая молитвенница о нас, грешных.

### Кондак 12.

Благодати источник явила еси, в святых мощех твоих, о, блаженная мати Параскево. Никто же бо из притекающих к ним тощь и неуслышан отъиде. Всякому бо чтущему память твою спасение вечное ходатайствуеш. О сем радующеся в благодарности волием Спасителю нашему: Аллилуиа.

### Икос 12.

Поюще ти, мати Параскево, похвальные песни сии, ублажаем кончину праведную и восхваляем исповедничество твое, прославляем множество чудес, тобою содеянных, молим привести ко спасению всех нас, любящих тя и восхваляющих тя похвалами сими: Радуйся, красото Церковная; радуйся, телесные и душевые чистоты образе; Радуйся, постников похвало; радуйся, притекающим к тебе крепкое забрало; Радуйся, девства чистоту сохранившая; радуйся, Духа Святаго жилище; Радуйся, глад душевный утоляющая; радуйся, пиянства строгая обличительница; Радуйся, труба благозвучная, волю Божию вещающая, радуйся, кадило благовонное, молитвы о нас, яко фимиам возносящая; Радуйся, скорбящих утешение; радуйся, унывающих ободрение; Радуйся, мати Параскево, скорая помощница и теплая молитвенница о нас, грешных.

### Кондак 13.

О, преподобная мати наша Параскево, богоносная угоднице Христова, приими ныне возносимое ти похвальное пение и, яко сердобольная мати, не лиши нас твоей помощи и заступления, да сподобимся спасение вечное улучить и наследовать Царствие Небесное, идже купно с тобою будем воспевавши Святую Троицу ангельскою песнию: Аллилуиа.

(Сей кондак читается трижды, затем Икос I и Кондак I)

### Молитва

О, преподобная и богоносная мати наша Параскево! Се ныне мы, чада твоя, усердно притекающе, молим тя со слезами: буди нам теплой ходатайцей с пред Престолом Божиим о спасении душ наших. Вознеси свою теплую молитву о нас, прибегающих к тебе, и просящих у тебе помощи и заступления. Да в страшный день судный помилован будем и сподобимся стати одесную Творца своего. Помози нам прорицать мытарства горькия и избегнути вечного мучения. Скорая помощница наша, всегда споспешствуй нам во благо. Исцели язвы наши душевныя и телесныя, помажи их елеем милости твоей. В житейских нуждах подаждь нам скорую помощь. Испроси у Создателя нашего имети нам смирение, терпение и любовь ко Господу и ближним своим. Огради нас от враг видимых и невидимых и всякаго призывающего тя в помощь и притекающего ко святым мощем твоим не лиши своего материаго заступления. Молим же, о мати преблагая, не даждь нам погибнуть во грехах наших, да не предани будем в час кончины на поругание злым духовом. Но да сподобимся улучить спасение душ и узрети тя в Царствии Небеснем, идже

прославим Отца и Сына и Святаго Духа и твое о нас пред Господем теплое заступление всегда, ныне и присно и во веки веков. Аминь.

**Величание**

УБЛАЖАЕМ ТЯ, ПРЕПОДОБНАЯ МАТИ НАША ПАРАСКЕВО, И ЧТИМ СВЯТУЮ ПАМЯТЬ ТВОЮ, НАСТАВНИЦЕ МОНАХОВ И СОБЕСЕДНИЦЕ АНГЕЛОВ.

*День кончины 17 (30) октября.*

*День тезоименитства 14 (27) октября*

**Тропарь, гл.5.**

Яко к целебному источнику, притекаем к тебе, преподобная мати Параскево. Ты бо нас на путь спасения наставляєши, смирению, терпению и любви научасши. Скорбныя сердца наши утешаєши, от враг видимых и невидимых избавляєши. Моли Господа и Заступницу Усердную да помиловани будем в день судный.

**Кондак, гл.2.**

Любовию к Небесному Жеиху Христу уязвися, все житие Ему добрे поработала еси. Многия подвиги и труды подъяв, велие стадо овец заблудших к Пастыреначальнiku Христу привела еси. Юродством благодатныя дары в себе скрывающе, безумную мудрость века всего обличила еси. Ныне же предстој Престолу Божију, моли спастися душам нашим.

